

Yesu Ndiye Mlango

Basi Yesu aliwaambia ..., Amin, amin, nawaambieni, Minni ndimi mlango wa kondoo—Yohana 10:7.

Shetani alijiingiza binafsi katika pambano dhidi ya Yesu Kristo. Malaika waovu waliungana na watu waovu ili kuukataa wema, kuikanyaga haki, na nguvu zote za uovu ziliungana pamoja kwa mapatano ili kumwagamiza Shujaa wa Mungu na wa ukweli. Wakati mafanikio yalionekana kutokea katika utendaji wa hila wa Shetani, Yesu anaingia katika pambano ili kushindana na mamlaka yake. Yesu alikuja “kwa walio wake, nao walio wake hawakumpokea.” Alipewa dhamana ya kubeba ujumbe wa rehema, aliyetumwa na Baba wakati wa hatari pale uasi ulipokuwa umeenea ulimwenguni, ili kwamba mwanadamu asipotee, bali awe na uzima wa milele kwa imani katika Mwana wa Mungu. Kupitia kwa Yesu walipaswa kukiponda kichwa cha nyoka, na kupata uzima wa milele....

Katika ujumbe wa mfano wa mchungaji Yesu anaweka tafsiri Yake mwenyewe katika kazi na utume Wake, na kujiwasilisha Mwenyewe kama mchungaji mwema, akilisha na kuwaongoza kondoo. Alisema, “Yeye asiyeingia mlangoni [kwa Yeye Mwenyewe] katika zizi la kondoo, lakini akwea penginepo, huyo ni mwivi naye ni mnyang’anyi.” Yesu alisema kwamba wote waliokuja kabla Yangu wakidai kuwa ni Masihi walikuwa wadanganyifu. Wakati wote wa ujio wa Yesu kulikuwa na majadiliano mengi kuhusiana na ujio wa Masihi wa ulimwengu. Taifa la Wayahudi lilitarajia kwamba mkombozi mkuu angekuja, na kuna watu ambao walichukulia matarajio haya kuwa fursa, wakiyageuza kuwa utumishi wao wenyewe, ili wapate kufaidika na kutukuzwa. Unabii ulikuwa umeshatabiri kuwa wadanganyifu hawa wangeibuka. Wadanganyifu hawakuja katika njia ambayo ilitabiriwa kwamba Mkombozi wa ulimwengu angekuja; lakini Yesu alikuja akikidhi kila maelezo ya unabii. Mifano na ishara vilimwasilisha Yeye, na katika Yeye mfano ulikutana na halisi. Katika maisha, utume na kifo cha Yesu kila unabii ulitimizwa.

Yesu alikuwa mchungaji mwema ambaye bawabu humfungulia, ambaye huwajua kondoo, huwaita walio Wake kwa majina, na kuwaongoza. Yeye ndiye aliye na nguvu kuliko mwizi na mnyang’anyi, wale wasioingilia mlangoni, lakini wanapanda kwa njia nyingine. Mafarisayo hawakuweza kung’amua kwamba mfano huu ulizungumzwa dhidi yao, wale waliojidai kuwa viongozi wa watu, wachungaji wa kundi. Yesu alijionesha kuwa tofauti na wao, na walipofikiri mioyoni mwao juu ya kile alichoweza kumaanisha kwa mfano huo, Alisema, “Mimi ndimi mlango [wa kondoo]; mtu akiingia kwa mimi, ataokoka; ataingia na kutoka, naye atapata malisho”.... Yesu alijiwasilisha Mwenyewe kuwa ni Yeye tu ambaye ndani Yake kulikuwa na sifa zote za kumfanya kuwa mchungaji mwema.

Anawakilishwa kama “Mchungaji Mkuu”

(The Signs of the Times, Desemba 4, 1893).